



Atauhiqmik Maliktaghat Maligaghaliuqhimayullu

Angayughinit ilihagatavut atiliuqhimaguvillu piinnariaqaruvillu titiraqhimayut talvani Nunavunmi Nunataaqnikkut Angirutinit? Angayuqqaanguyumavit Nunavut Tungavikkut Timinganut uplumimik atauhiqmik?

Angiqhimaguvit tamangnut apiqqutinut, akilaaqtutit aullaarutighanik mal-rungnut Iqalungnut!

Quviahuutiginahuqahugu 20-nik ukiunik aulagamik Nunavunmi Nunataaqnikkut Angirutait July 9-mi, 2013-mi, Nunavut Tunngavikkut Timingat akihaqtittinahuat Inuinnaqnik Inuuhuktunik ilihagat angayughit ilihagviinit. Uukturnumaguffi, ilihagat titiraqtughat uqauhiqnik 500-nik uqauhiqagluni quviahuutaagut 20-nik aulagamik Angirutit. Akimayuq NTI-kut Angayuqqaaghaanik uqauhiinik titiraqhimayait tuhaqtittinahuqatit taluiyaqtakpat hanauyaqhimayuq Iqalungni Nunavut Upluutaanit,

July 9-mi, 2013-mi. Akimayuq ikayuqtiuyughaq Nunavut Upluutaanit ulapqiyunut havaktitaulunilu angayuqqaatut NTI-kunnut.

Tikkuaqhiyiqarahuat NTI-kut ihivriuqhiyughaq uuktuutinik akimayumiklu tikkuaqhilutik. Akimayuq Iqalungmiutaugumi aittuqtaaniaqtuq \$1,500-talamik.

Uuktuutit tuniyauyughaq April 26-mi, 2013-mi.

Naunaittirumaguffi tunihiyaamiluuniit uuktuutinik, hivayaqlugit:

**Havakviat Tuhaqtittiyit
Nunavut Tunngavikkut Timingat
Titiraqaviat 638 Iqaluit, NU X0A 0H0
Hivayaut: (867) 975-4900 Akiittukkut: 1-888-646-0006
contest@tunngavik.com
www.tunngavik.com**

1. Titiraliqiyut Akihaqtittiyunik

NTI-kut Angayuqqaaghaat Uplumik Atauhiqmik munaqtauyug NTI-kunnit. Apiqqutighaqaruvit turaaqtilugit talvunga:

**Havakviat Tuhaqtittiyit
Nunavut Tunngavikkut Timingat
Titiraqaviat 638 Iqaluit, NU X0A 0H0
Hivayaut: (867) 975-4900 Akiittukkut: 1-888-646-0006
contest@tunngavik.com
www.tunngavik.com**

Tamangnik uuktuqtut inmikku ilihimayaghait naunaitkut it iluayaami NTI-kun-nut Angayuqqaaghamik Uplumik Atauhiqmik akihaqtittiyunut maliktaghailu Maligaghaliuqhimayut Maligaghailu.

2. Aulavighaat NTI-kut Angayuqqaaghamik Uplumik Atauhiqmik Akihaqtittinahuat

NTI-kut Angayuqqaaghaanik Uplumik Atauhiqmik Akihaqtittiyut umigahuat 5-mungaqqat Kivalliqhiit Upluqhiutaigut April 26-mi, 2013-mi.

3. Piinnariaqahutik Ilaunginnarialgit

NTI-kut Angayuqqaaghaat Uplumik Atauhiqmik Akihaqtittiyut angmaumaniat- quq ilihagatunut angayughinit atiliuqhimagumiklu piinnariaqarumiklu titiraqhimayut talvani Nunavunmi Nunataaqnikkut Angirutinit. Uuktuqtut ilihaghi-

mayughaq angayuqhiit ilihagvianit ilihaghamalutik akihaqtittiplutik imaalu kinguani iniqhimayughaq ilihagtamangnik.

NTI-kut havaktiit, niruaqhimayut tikkuaqtauhimayullu NTI-kut aulapkaiy- iquyangit ilangilu ilaulaittut.

Tamangnik uuktuqtut ukiuqaqtinnagit 18-nik tunihiyughaq titiqqanik NTI-kun- nut angirutiniklu atiliuqhimayumik titiqqanik angayuqqaanit munaqtitluuniit.

Ilauyut titiqqanik tunihiquyauniarunahiyut ilihagviinit naunaiqhitlutik taimaa ilihagpaktut talvani ilihagvingmi ilihariaqattaqpaghutiklu.

4. Havaariyumayait

Hapkuninnga akihaqtittiplutik NTI-kut Angayuqqaaghaanik Uplumik Atauhiqmik taimaa tikkuaqhiyumayullu ilihagtumik angayughit ilihagviinit titiraqtunik taamna titiraqhimayaalu unipkaaqttaghaat taluiyaqhimagumik hanauyaqhimayumik itqauamatjutighaq aulanianik 20-nik ukiunik taaffuma Nunavunmi Nunataaqnikkut Angirutait quviahuutigiplugu Nunavut Upluutaat July 9-mi, 2013-mi. Uuktuutit titirattiaqhimayughaq atiliuqhimayunit. Uuktuutillu ihuaqtughat unipkaariami tuhaqtittiyikkut makpiraaniklu.

5. Pitquyauhimayut

Uuktuutinik titiraqhimayughaq Nunavut mighaagut aulaniagullu 20-nik ukiunik Nunavunmi Nunataaqnikkut Angirutait.

Unipkaat 500-nik uqauhiqaghaq avatquttaililugu.

Unipkaat tuniyauyughaq Inuktitut, Inuinnaqtun, Qaplunaatullu.



6. Uukturahuaqtut NTI-kut Angayuqqaaghaanik Uplumik Atauhiqmik Akihaqtittiyunut

Uuktuutit iniqhimayughat, iliqahiutihimalugit taapkua naunaitkutit pitquyauhimayullu ataani, tuniyauhimayughat 5-mungaqtinngat Kivalliqhiit upluqhiutaigt April 26-mi, 2013-mi titiraqavngmut naunaiqhimayutut talvani NTI-kut Angayuqqaaghaat Uplumik Atauhiqmik Akihaqtittiyut Maligaghaliuqhimayainik Maliktaghainilu. Titiraqavngmut Kanata Titiraqavngmut, uuktuutit titiraqhimayughat titiraqavngmit April 26-mi kinguanilu, 2013-mi. Akiligaghaitut uuktuutit.

Hapkua uuktuutit iniqahiutihimayughat:

- Aajikkutaliuqhimayumik unipkaanik.
- Iniqhimayunik titiqqanik piinnariutiit angirutillu.
- Uuktuutit titiraqavngmut aullaqtihimagunni Kanata Titiraqavngmut, hapkua naunaitkutit titiraqhimayughat puunganit: NTI-kut Angayuqqaaghaat Uplumik Atauhiqmik Akihaqtittiyut.

7. Tikkuahiyut akimayunik uuktuutit

Atauhiq iliahtuq angayughiit iliaqvianit tikkuqtauniaq akimaluni NTI-kut Angayuqqaarilugu Uplumik Atauhiqmik. Uuktuutit ihivruqtauniaqtut NTI-kut Tikkuahiyunut. Ihivruqhiyut hapkuninnga maliktaghalgit:

- Ilihimmattiaqtughaq Nunavunmik taapkuninngalu 20-nik ukiunik aulatjutaanik Nunavunmi Nunataaqnikkut Angirutiit.
- Ihumaliuttiaqhimayunik unipkaaliuqpluni ahiqanngilluni.
- Pitquhialu ihuaqniagut unipkaaliuqpluni.

8. Naunaiqhitiniq ilittuqhiyullu

Taamna akimayut NTI-kut Angayuqqaaghaanik Uplumik Atauhiqmik tuhaqtitauniaqtut May, 2013-mi. Akimayut aullaqtiuniaqtut Iqalungnut aullaqtiqarluni iniqnirmik uqaqtitaluni taluqhiqumik hanauyauqhimayumik itqau-matjutighaq 20-nik ukiunik aulagami taamna Nunavunmi Nunataaqnikkut Angirutiit. Taamna akimayut ikayuqtiuniaqtut NTI-kut Angayuqqaanganut Nunavut Upluutaat quviahuutigi-plugu, havaktitauniaqhuni ahinik NTI-kut Angayuqqaangat havaanginik.

Taamna akimayut titiraq takupkaqtitauniaqtut NTI-kut qaritauyakuurutaigt, www.tunngavik.com. Tuhaqtittiyunik tuhaqvigiyumayauniarunaqhiyut taimaa akimagamik NTI-kunnt Angayuqqaaghaanut Uplumik Atauhiqmik Akihaqtittiplutik. Uuktuutikkut, tamangnik ilayut angiqhimayut taimaa atuq-taunginnariaqtaut unipkaaliuqhimayaa atiiatalu makpiraanunngaqlugit.

9. Aittuqtauyughat

Akimayut aittuqtauniaqtut malrunnik tingmitjutighanik akimayut nunallaanganit aimavianilluniit (Kanatami) talvunga Iqalungnut. Hapkua tingmitjutighat aullaarutigiyaghait akimayut iniqnirmiklu aullaqtiqarluni Iqalungnut unipkaaqplugu Nunavut Upluutaanit, July 9-mi, 2013-mi. Niqighat hinikvighailu akiliq-tauniaqtut NTI-kunnt. Taamna akimayut nunaqarumi Iqalungnit, kiinauyunik aittuqtauniaqtut \$1,500-talamik.

10. Angiqhimayaghait NTI-kut Angayuqqaaghaanik Uplumik Atauhiqmik Akihaqtittiyunut Maligaghait Maliktaghaitalu

Ilaunikkut hapkuninnga akihaqtittiyunut NTI-kut Angayuqqaaghaanik Uplumik Atauhiqmik Akihaqtittiplutik, tamangnik ilayut angiqhimayut naammagiin-naghugit ihumaliukkat tikkuahiyut. Tamangnik ihumaliuqhimayut iniqtauvaktut aulavaghutik. Ilaunikkut NTI-kut Akihaqtittiyunik, tamangnik ilayut angiqhimayut NTI-kunnt kituniklukiaq havaqatigiyait hapkua NTI-kut Angayuqqaaghaanik Uplumik Atauhiqmik Akihaqtittiyunik ihuinaaqturilaitugit hapkua mighaagut, hapkualu, nutqaqtitjutaitut, tikkuahiniqmut uuktuutit qanuqlu atuqtauvangniaghait aittuqtauyut.